

आकाशवाणी जयपुर-अजमेर
प्रादेशिक समाचार

- राज्य मांय हरियाली राजस्थान अभियान रा तहत आज लाखां री तादाद मांय पौधा रोपी ज्या-मुख्यमंत्री भजन लाल शर्मा कह्यो-ई साल सात करोड़ पौधा लगाया जावेला।
- प्रदेश मांय राज्यसभा री एक रीती सीट सारू तीन सितम्बर ने उप चुनाव व्हेला।
- राज्य मांय हरियाली तीज रो त्यौहार आज रीत मुजब हरक उमाव सागे मनायो जा रह्यो है।
- प्रदेश मांय बिरखा रो दौर मंदो पड्यो-जोधपुर, पाली अर जैसलमेर रा न्यारा न्यारा हलकां मांय भर्यो पाणी निकाळबा रो काम चाल रह्यो है।

000

प्रदेश मांय आज पौधा रोपण रा महाअभियान रा तहत एके सागे लाखां पौधा रोपी ज्या। मुख्यमंत्री भजनलाल शर्मा जिला रा गाड़ोता मांय एस.डी.आर.एफ. परिसर मांय पीपल रो पौधो रोप र हरियाळो राजस्थान अभियान री सरूआत कीनी। ई मौके मुख्यमंत्री कह्यो के राज्य मांय ई साल 7 करोड़ पौधा रोप्या जावेला। वे सगळा ऊं एक पेड़ मां के नाम जरूर लगावण री अपील कीनी।

कार्यक्रम मांय उपमुख्यमंत्री डॉ. प्रेम चन्द्र बैरवा अर वन मंत्री संजय शर्मा ई शिरकत कीनी। ई दौरान अमृता देवी वृक्ष मित्र पुरस्कार ई दिया ज्या। प्रदेश रा न्यारा-न्यारा हलकां मांय ई आज पौधा रोपण रा कार्यक्रम राख्यी ज्या। मुख्यमंत्री भजन लाल शर्मा **djklyh** जिला रा सपोटरा उपखंड मांय मीन धाम नारेश्वर मांय ई पौधा रोप्या। **p**: मांय प्रभारी मंत्री अविनाश गहलोत जिला मुख्यालय माथे पौधां रोप्या।

didMh मांय राख्थी ज्या कार्यक्रम मांय जिला कलेक्टर श्वेता चौहान पौधा रोप र अभियान री सरूआत कीनी। वे आं पौधां री सार—संभाल माथे ज़ोर दीनो। **chdkuj** मांय बीएसएफ रा परिसर मांय सीमा सुरक्षा बल रा राजस्थान फ्रंटियर रा महानिरीक्षक एम एल गर्ग री अगुवाई मांय “एक पेड़ मां के नाम” अभियान रा तैत भांत—भांत रा पौधा रोपी ज्या। **ckMej** ज़िला मांय **gfj ;kyk jktLFkku&, d iM ek di uke** अभियान रा तहत मोटी तादाद मांय पौधा रोपी ज्या। ज़िला स्तर रा कार्यक्रम मांय जनता रा नुमाइन्दां सागे ज़िला रा प्रभारी सचिव सुबीर कुमार ई सिरकत कीनी। **vtej** मांय बड़लिया इंजीनियरिंग कॉलेज कने बगीचा मांय विधानसभा अध्यक्ष वासुदेव देवनानी री अगुवाई मांय मोटी तादाद मांय पौधा रोपी ज्या। **nkIk** मांय उद्योग मंत्री राज्यवर्धन सिंह राठौड़ री अगुवाई मांय केसरीसिंहपुरा गांव मांय पौधा रोपी ज्या। ई मौके राठौड़ कह्यो के पर्यावरण ने बचावण सारू राज्य मांय ओ मोटो अभियान चलायी ज्यो है।

khy!kMk ज़िला री प्रभारी मंत्री डॉ मंजू बाघमार शहर रा पटेल नगर विस्तार हलका मांय पौधा रोप्या। ई मौके वे सगळा ऊं बत्ता ऊं बत्ता पौधा रोपण री अपील कीनी। मंत्री बाघमार **"kkgi#k** ज़िला रा माताजी का खेड़ा मांय राख्थी ज्या कार्यक्रम मांय ई जनता रा नुमाइन्दां अर अहलकारां सागे पौधा रोप्या। **ftyk jk** देवरिया गांव मांय राख्थी ज्या कार्यक्रम मांय जिला कलेक्टर राजेन्द्र सिंह शेखावत महिलावां ने लहरिया बांट र करीब 600 पौधा रोप्या अर वां री जियो टेगिंग करायी। **Ikpkj** री चौरा, धमाणा अर दांतिया ग्राम पंचायतां मांय मोटी तादाद मांय पौधा रोपी ज्या। **\$kyk!kM** ज़िला मांय ई प्रभारी मंत्री ओटाराम देवासी री अगुवाई मांय झालरापाटन आवासीय विद्यालय मांय मोटी तादाद मांय पौधा रोपी ज्या। झालरापाटन री पुलिस ट्रेनिंग स्कूल मांय राख्थी ज्या कार्यक्रम मांय न्यारा—न्यारा महकमां रा अहलकार, पुलिस ट्रेनिंग स्कूल मांय सिखावण ले रह्या पुलिस वाळा अर विद्यार्थी सिरकत कीनी। **\$#Su** मांय प्रभारी मंत्री अविनाश गहलोत री अगुवाई मांय सीतसर जोहड़ी मांय पौधा रोपी ज्या। ई मौके मंत्री गहलोत पौधां री सार—संभाल रो संकल्प दिरायो। वे बतायो के प्रदेश मांय सात करोड़

पौधा रोपण रो लक्ष्य ई महीना मांय हासिल कर लियो जावेला। **M%ji#** री पिपलागुंज ग्राम पंचायत मांय राख्थी ज्या ज़िला स्तर रा कार्यक्रम मांय प्रभारी मंत्री बाबूलाल खराड़ी जनता रा नुमाइन्दां अर अहलकारां सागे पौधा रोप्या। **t|lyej** मांय प्रभारी मंत्री जोराराम कुमावत इंदिरा इंडोर स्टेडियम मांय पौधा रोप र अभियान री सरूआत कीनी। अभियान रा तैत ज़िला मांय दो लाख पौधा रोपणो तैय करी ज्यो है। **l!k&ek'kki#** रा प्रभारी मंत्री गौतम कुमार दक खण्डार रा बरनावदा मांय पौधा रोप र अभियान री सरूआत कीनी। **chdkuj** रा बीछवाल मांय राख्थी ज्या कार्यक्रम मांय जिला रा प्रभारी मंत्री गजेन्द्र सिंह खींवर समेत मोटी तादाद मांय लोग पौधा रोप्या। **ikyh** रा पुनाडिया गांव मांय प्रभारी मंत्री झाबर सिंह खर्चा चारागाह मांय पौधा रोप र अभियान री सरूआत कीनी। जिला रा रूपवास मांय पौधरोपण जागरुकता रैली निकाळी ज्यी। **()ki%*** रा ज़िला पुस्तकालय परिसर मांय पाठकां अर स्टाफ री ओर ऊं पौधा रोपी ज्या। **fp+kkM%*** मांय भदेसर पंचायत समिति री कन्नौज ग्राम पंचायत मांय प्रभारी सचिव भानु प्रकाश एटरू री अगुवाई मांय जनता रा नुमाइंदा अर अहलकार पौधा रोप्या। जळसा मांय पौधा रोपण रा हलका मांय बेहतरीन काम करण वाळां रो मान करी ज्यो। जिला मांय आज 3 लाख पौधा रोपी ज्या।

tk,ki# रा मारवाड़ इंटरनेशनल सेंटर मांय राख्थी ज्या कार्यक्रम मांय प्रभारी मंत्री मदन दिलावर जनता रा नुमाइन्दां अर अहलकारां सागे पौधा रोप्या। ज़िला रा खेजड़ली गांव री मिसाल देता थकां वे सगळां ऊं पौधा रोपण सारू कह्यो। **ckykJk** ज़िला रा पाटोदी, कल्याणपुर, सिवाना अर गिड़ा समेत न्यारा-न्यारा ब्लॉक मांय पौधा रोपी ज्या।

kj)i# मांय प्रभारी मंत्री सुरेश रावत री अगुवाई मांय राजकीय महिला पॉलीटेक्निक कॉलेज मांय पौधा रोपी ज्या। जिला मांय हरियालो राजस्थान अभियान रा तहत साढे 10 लाख ऊं बत्ता पौधा रोपणो तैय करी ज्यो है। **-h%%ku%j** मांय सादुलशहर रा राजकीय कन्या महाविद्यालय मांय राख्थी ज्या कार्यक्रम मांय प्रभारी सचिव वैभव गालरिया री अगुवाई मांय पौधा रोपी ज्या। ज़िला मांय अभियान रा तहत 16 लाख ऊं बत्ता पौधा रोपणो तैय करी ज्यो है। **uk%kj** मांय

प्रभारी मंत्री कन्हैयालाल चौधरी री अगुवाई मांय मानासर रा पशु मेला मैदान मांय पौधा रोपी ज्या ।

000

प्रदेश ऊं राज्य सभा की रीती एक सीट सारू उप चुनाव 3 सितम्बर ने व्हेला । ई सारू 14 अगस्त ने अधिसूचना जारी व्हेवण सागे ई नामपाना दाखिल करण रो काम सरू व्हे जावेला । राज्य रा मुख्य निर्वाचन अधिकारी नवीन महाजन आ जाणकारी दीनी । भारत निर्वाचन आयोग री ओर ऊं जारी पानड़ी रे मुजब के.सी. वेणुगोपाल रे राज्य सभा री सदस्यता छोड़ देवण रे कारण रीती व्ही ई सीट माथे उप चुनाव व्हेला । उप चुनाव सारू पर्चा 21 अगस्त तांई दाखिल कर्या जा सकेला । नामपाना री जांच 22 अगस्त ने व्हेला जद के उम्मीदवार 27 अगस्त तांई नाम पाछा ले सकेला । जरूरत पड्यां तीन सितम्बर ने वोट पड़ेला । इण ई दिन वोटों री गिणती व्हेला ।

000

उपराष्ट्रपति जगदीप धनखड़ जोड़ायत डॉ. सुदेश धनखड़ सागे 9 अगस्त ने दो दिन रा दौरा सारू जोधपुर पधारेला । दौरा रा पैला दिन उपराष्ट्रपति जोधपुर मांय न्यायिक अहलकारां रा राज्य स्तर रा सम्मेलन मांय खास पावणा रा तौर ऊं सिरकत करेला ।

आगला दिन दस अगस्त ने उपराष्ट्रपति रो राजस्थान हाई कोर्ट रा 70 साल पूरा व्हेवण रे मौके राख्या जावण वाळा जळसा मांय शामिल व्हेवण रो कार्यक्रम है ।

000

राज्य मांय आज तीज रो पर्व हरक उमाव सागे मनायो जा रह्यो है । ई मौके जयपुर मांय तीज री शाही सवारी निकाली जा रही है, जिण ने देखण सारू मोटी तादाद मांय सैलाणी जयपुर पूग्या है । गाजा-बाजा सागे त्रिपालिया गेट ऊं सरू व्ही सवारी गणगौरी बाजार अर छोटी चौपड़ व्हेती थकी चौगान स्टेडियम पूगेला । काल बूढ़ी तीज

री सवारी निकाळी जावेला। सीकर मांय ई पूरा ठाठ—बाट ऊं तीज माता री सवारी निकाळी ज्यी। दौसा मांय ई नगर परिषद री ओर ऊं तीज री सवारी निकाळी ज्यी। नगर परिषद री सभापति ममता चौधरी तीज माता री पूजा— अर्चना कर र आरती कीनी। ई पाछे निकळी तीज माता री शोभायात्रा मांय मोटी तादाद मांय महिलावां लहरिया पहन र सिरकत कीनी।

000

प्रदेश मांय लारला तीन दिन तांई व्ही जोरदार बिरखा पाछे अब भारी बारिश रो दौर मंदो पड़ ग्यो है, हालांकि काल राज्य रा ऊगणी हलकां मांय ओजू भारी बारिश सारू चेटायी ज्यो है। लारला 24 घंटां मांय बीकानेर के कोलायतमगरा मांय सब ऊं बत्ती 132 मिलीमीटर बिरखा व्ही। जैसलमेर मांय लारला दो—तीन दिन मांय व्ही बिरखा ऊं केई गांवां अर ढाणियां मांय हाल ई पाणी भर्योड़ो है, जिण ने निकाळबा रो काम चाल रह्यो है। जिला रा मोहनगढ़ हलका मांय व्ही जोरदार बिरखा रे कारण पाइप लाइन टूट जावण ऊं जैसलमेर शहर मांय आवता दो दिन पीवण रो पाणी नी आवेला। पाली मांय अब बिरखा रूक गयी है पण हाल ई केई कॉलोनियां मांय पाणी भर्योड़ो है। अतिरिक्त जिला कलेक्टर राजेश गोयल बतायो के पाणी निकाळयो जा रह्यो है अर जरूरतमंद लोगां ने मदद दी जा रही है। जोधपुर मांय काल दोपहरां पाछे बिरखा नी व्ही है पण हाल ई नीचला हलकां मांय पाणी भर्योड़ो है। ई बीचे लूणी नदी मांय ई चोखो पाणी आ रह्यो है। पाणी रो **ckykJk** पूगण परां मंगलगीत गा कर स्वागत करी ज्यो। **lkpkj** मांय आखा दिन बादळा मण्ड्या रह्या। जयपुर मांय आज आखा दिन छांटो—छिड़को व्हेतो रह्यो। सिरोही, दौसा, करौली अलवर, भरतपुर, सवाईमाधोपुर, झुंझुनू अर बारां जिलां मांय ई घणखर ठौड़ां आज मेह बरस्यो। टोंक जिला मांय व्ही चोखी बिरखा ऊं बीसलपुर बंधा मांय लगातार पाणी आ रह्यो है अर पाणी रो लेवल 311 दशमलव 68 आर एल मीटर व्हे ग्यो है। मौसम केंद्र जयपुर रे

मुजब आज झुंझुनू, सीकर, करौली, अलवर, भरतपुर अर धौलपुर मांय कठे—कठे ज़ोरदार मेह बरसबा रा आसार है।

000

पेरिस ओलंपिक मांय महिला पहलवान विनेश फोगाट रो वजन कुछ ग्राम बत्तो व्हेवण रे कारण वां ने 50 किलोग्राम भार वर्ग री फ्रीस्टाइल कुश्ती री फाइनल होड़ सारू अयोग्य घोषित कर दीरीजी है। प्रधानमंत्री नरेंद्र मोदी सोशल मीडिया पोस्ट रे जरिये विनेश फोगाट ने ढाढस बंधाता थकां कह्यो के पहलवान फोगाट चैंपियनों मांय चैंपियन है। वे भारतीय ओलिम्पिक संघ री अध्यक्ष पी.टी. उषा ऊं बात कर र विनेश रे अयोग्य घोषित व्ह्या पाछे भारत कने मौजूद विकल्पां री ठा कारण सारू कह्यो। ई बीचे आज महिलावां री भाला फैंक होड़ मांय भारत री अन्नू रानी 15 वीं ठौड़ माथे रही। महिलावां री गोल्फ होड़ मांय भारत री दीक्षा डागर आखिरी समाचार मिलण ताई दूजा नम्बर माथे चाल रही ही। मीरा बाई चानू आज रात महिलावां री 49 किलोग्राम भार वर्ग री बोझ ऊंचावण री भारोत्तोलन होड़ मांय भारत री चुनौती पेश करेला। काल भारत री पुरुष हॉकी टीम कांसा रो तमगो जीतण रा मकसद ऊं स्पेन रे खिलाफ उतरेला।

000